

e-rara.ch

**Neüwe Zeitung und heimliche wunderbarliche Offenbarung
etlicher Sachen und Handlungen, so sich uff dem Tag zuo Baden
in Ergöw vor den Sandtbotten der zwölff Örter der loblichen
Eydgnosschafft, uff ...**

Faber, Johannes**[Freiburg im Breisgau], [1526]****Zentralbibliothek Zürich**

Signatur: Re 198,4

Persistenter Link: <http://dx.doi.org/10.3931/e-rara-24606>

e-rara.ch

Das Projekt e-rara.ch wird im Rahmen des Innovations- und Kooperationsprojektes „E-lib.ch: Elektronische Bibliothek Schweiz“ durchgeführt. Es wird von der Schweizerischen Universitätskonferenz (SUK) und vom ETH-Rat gefördert.

e-rara.ch is a national collaborative project forming part of the Swiss innovation and cooperation programme E-lib.ch: Swiss Electronic library. It is sponsored by the Swiss University Conference (SUC) and the ETH Board.

www.e-rara.ch

Nutzungsbedingungen

Dieses PDF-Dokument steht für nicht-kommerzielle Zwecke in Lehre und Forschung sowie für die private Nutzung frei zur Verfügung. Es kann als Datei oder Ausdruck zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Terms and conditions

This PDF file is freely available for non-commercial use in teaching, research and for private purposes. It may be passed to other persons together with these terms and conditions and the proper indication of origin.

Neüwe zeitung vñ
heimliche wunderbarliche offenba-
 rung erlicher sachen vnd handlungen/ so sich vff dem
 tag der zu Baden in Ergow vor den Sandboten
 der Zwölff örter der loblichen Eydnoss
 schafft/ vff den Sechshundtzwainzigste tag
 des Brachmonats. Im jar Tausent
 fünffhundert vnd XXVI. gehalten
 worden/ zügetragen vñ begeben hat.

psalmo 118
 Das wort des herren belebet vnd wirt
 beston in ewig zeit.

Matthæi 10. Marci 4. Luce 8.

Nihil opertum qđ non reuelatur: et occultū qđ non sciatur.

A close-up photograph of the fore-edge of a book. The image shows the binding material, which appears to be a dark, textured cloth or leather, and the edges of the pages, which are light-colored and slightly aged. The book is lying flat, and the focus is on the vertical edge where the pages meet the binding.

Den Edlen/Bestē/ Fürsichtigē/ Er-

samen/ Weyßen/ Burgermeister vnd Rat der statt
Freysburg im Breysgaw/ Emkeit ich Johann
Sabri Doctor/ guad vnd frid vō vnserm
Herren vnd Heyland Jesu Christo.



Vnstig vnd liebgehabten im Herren/
vnsrer Herr Jesus/ auch seine jünger Pe-
trus vñ Paulus/ habent weyßgesagt/
wie das in den letzten zeyten oder ta-
gen/ kōmen vnd vffersteen werden sal-
sche Propheten/ lügenhafftig meyster/
vnd orentküzler/ die sich selbs liebha-

ij. Timo. iij.
i. Timo. iij.
Ad Titu iij.

ben/ vnd keins freuels oder vnerkerer handlung beschemē
werden. Dife zeyt haben wir leider erlebt/ dann in kurzen
jaren/ hat sich der widerwertig lügenhafft Sathan/ durch
den Luther/ erwan einen Zweyundvierzig jarigē münch
Augustiner orden/ in einen liechten engel transfigurirt/ vñ
vnder dem schein des hohen vñ verborgen schatz des heil-
ligen Ewangelij/ wūderbarliche vñ vuentliche ketzerereyen
vnd irtung/ in vnsern alten/ waren vñnd vngesweyßelten
glauben yngefiert. Vnd dieweyl dife placentenbacher vñ
fleischprediger/ allein was dem fleisch wol gefallē hat/ nit
übel kōmen ist/ vnd man wie Ezechiel meldet gern gehört
geprediget. Auch einem yeden ein kusse vñ pfulwen vnder
sein elenbogen vnd haupt gelegt/ vñ also die Christenlich
freyheit/ wider dz gebott Pauli/ zū freyung des fleischs vñ
gelegt/ habet sie einē anhang gröffer dan die heuschrecken
in Egypto überkōmen/ dan vō natur dife liebliche Dren-
ucker vnd fleischliche leren/ der gemeyn mann gern hōret
vñ annympt. Daher entstanden/ dz ein sollicher vffstand

ij. Corin. xi.

Ezechiel xij.

Exodi i.
Ad Titu iij.

vnd vffür sich begeben/ vergleychen in keiner Chronik ye
gefunden würdet/ vnd in solliche ob hundert tausent Chris-
tenlicher männer/ in einem kleinen bezirk der Teütschen
nation erschlagen. Wölches erschrockenlichen blutflus-
der Luther vnd all neuw Zwägelisten/ in allweg ein vrs-
sach gewesen. Dan bey den grösten hauffen/ dieselbigen/
Hauptleut/ Fendrich/ Weibel vñ Veldschreyber gewesen
vnd die so bey den hauffen nit gewesen/ vnd nit mit gezo-
gen seind/ habent artickel vnd ratschleg gemacht/ der ich
mit iren henden geschriben/ etlich gelesen/ wie sich dann zu
Zabern vñ andern orten/ augenschynlich erfunden hat.

Dat. iij. vij.

So nun dise wurmsüchtige frucht dieses faulē baums sich
vffthünd/ vñ man ansacht greiffen/ das vñ diser sect nye
nichts güts/ sonder als übel/ vñ dermassen schaden entstan-
den/ das vns Teütschen leycheilicher gewesen/ den Türcke
mit dreihundert tausent mannen zuuerfolgen/ dan disen
vnwiderbringlichen schaden leyden/ vnd also vil sich wider
zu der heiligen kirchen wendet/ vnd bekennet/ das sie/ wie
verloren Sun/ vnrecht gethon haben. Vaben die neuwē
glaubenmacher an/ so man sie vfftreiben wil/ vnd thünd
wie der teüfel in den besessnen menschen/ wan man sie be-
schwören wil/ so schenden/ liegen/ lesteren/ erdichtē sie vnsege-
liche/ vnerliche vñ nye gedachte ding/ on allen vnterscheid
der personē wer die seind. Vnd stat die sache also/ so sie an
allen orten vnd reglich befinden/ dz sie wider den alten wa-
ren glauben mit irer Zwägelschen ler nichts schaffen müs-
gen/ dan die kirch nit vff den sandboden/ sonder den velsen
gebauwen/ vnd laßt sich nit also liederlich die leyche fertige
Cresconios vnd Celsos vmbstoffen/ so bringen sie mer la-
gin/ dan alle Cretenser ye gethon/ das wil ich mit der gan-
zen Teütschen nation beweysen/ dz sollich vnerhört sched-

**Datt. vij. et
xvi.**

Ad Titij.

lich auffrührig lugin nye erhört/ als yetz die Satbanischen
Ewangelisten herfür bringē/ wölches aber ein gewiß zeichē
ist/ das diß verfiertisch neiw ler nit vß gott/ sonder dē vat
ter aller lugin/ namlích dem teüfel (wie Christus sagt) kō/
men vnd entstanden ist. Johan. viij. Wie ich sollich in tausent fellen
bewysen möcht. Aber allein zu disem mal füg einwer vest
vnnnd ersam weyßheit/ eüch für Fleiwe zeytung zewissen.
Demnach vnd die Zwölff ort einer loblichen vnd Chris
tenlichē Eydgnosschafft/ vff den xxj. tag Maij nechstner
schinen/ in disem xxvj. jar/ ein erlich Disputation zu Ba
den in Ergow angesehen/ vff wölche ein grosse treffenliche
anzal Doctorn vnd anderer geleerten dapffer menner in
vil sprochen vnnnd allerley künsten/ sonder der heiligen ges
chrifft/ hoch vnd wolgeleert erschienen/ vnnnd haben da mit
götlichen Emptern vñ diensten/ auch andern handlungē
ob drey wochen ernstlich vnd alle tag vff sechs/ acht vnd
mer stunden disputiert vnd gehandelt/ vnd vnder andern
vßgerüfft vnd geordnet/ dß diser Disputation halb nye
mants on erlaubüg gemeyner Eydgnossen/ nichts truckē
oder vßgon lassen solt/ wölcher dß aber thette/ der solt für
einen erlossen man gehalten werden. Vnangesehen sollich
so hat fürstlich durchleüchtigkeit von Osterreich/ vnnser
gnedigster Fürst vnd herr/ vß Christenlichem vnd fürst
lichem gmüt/ bey eygner Post mir zugeschickt ein schmach
vnd luginbüchlin/ so zu Speyr vff dem Reichstag yetz
feyl getragen würdet/ darin die gemelt Disputation mit
erdichtē lugin/ vmb oder verkert worden ist/ auch d Eyd
gnossen borte/ die vier Presidenten/ die erberen Doctores
vnd alle die so zugegen zu erbaltung des waren glauben
gewesen/ mit erdichtē schedliche luge angerast/ geschmecht
vnnnd verachtet/ worden mit beuelch/ das sollich von irer

Fürstlichen Durchleichtigkeit wegen/ ich vß rechtem mit-
leyden solte fürbringen vnnnd überantworten/ Das hab ich
wie billich vff Dinstag nach Johannis des heiligen Teuf-
fers tag/ als der Zwölff ort der Bündten vñ anderer züs-
gwandten Ratsbotten treffenlich beyeinander zu Baden
in Ergow versamlet gewesen seind/gerhon. Vnnnd als sie
wie billich ein mißfallen ab disem schandeliche lugebüch-
lin gehabt/auch daruff vnderred gehalten/vnnnd anschleg
gemacht/wie sie doch diser sachtün/vnnnd vff den büch-
trucker/auch den so es gemacht/ können möchte. Nement
war/ desselbigē tags/ als man in disem ratschlag gesessen/
ist einer von den abgefalnen Capito vnnnd dem Farello
erstlich von Strassburg vnnnd nachgond vß Basel von
dem Decolampadio zu dem Zwinglin vnnnd anderen zu
Zürch geschickt/ vnnnd in eins wirtshaus zu Wettingen
dem closter an dem Jar d Lynnat können/ hat daselbs
getruncken/ vnd vnder anderen angefangen/ die vßerwel-
ten junckfraw vnd müter gottes Mariam zu schmechen/
so das etlich gehört/ haben sie Ine vö liebe des alten glau-
ben/vnnnd der ewigen junckfraw Marie/ wollen zu dem
laden hinuß werffen/dz aber freylich durch schickung got-
tes vnderkömen. Vñ ist also sollicher Marie lesterer dem
Landtuogt in Ergow gen Baden gefenglich überant-
wurt worden/ bey dem selbigen seind diser lügenhaftigen
büchlin vil vnd mancherley. Auch vier Latinisch beschlos-
sen Brieff gefunden worden/ die ich alle gesehen. Also hat
kent von stund die frömen Herzen der Erdgnosschafft in
geschnem Rat erkant/ das man solliche vier beschloss-
sen Brieff vffthün/vñ sie verteütschen lassen solle. Dise Brieff
hab ich Fürwer Veste auß allerley bewegenden vrsachen
auch mitteyle wollen/ dan ich wol weiß/ was vñ wie hat

Lüwer veste vñ Elsam weyßheit/als alt bestendig from
Christen/vñ disen fleischpredigern gelitten/ das auch mer
malen/sterben vñ verderben daran gestandē. Das auch
der vndanckbar abtrünnig Capito für vnd für/vñnd erst
neulich in einem büchlin/das sein bort auch gen Zürich
tragen/ Luch Herren vom Rat/ dartzu die Vniuersitet/
Lüwern Filschherren/vnd ander. Desgleichen zum letz
sten mich vnbillicher weyß angetast/ wiewol ich mich/ ob
er den pauen im Elsas geraten oder nit/ nye beladen oder
ichts angenömen/ dann ich hab es lassen beleyben/ wie sich
zu Sackern sol erfundē haben. Capito hat mir auch zwey
mal gen Baden vff die disputation geschribē/ vñ wiewol
ich mich seiner Ketzererey/daryn leider er gefallē/auch Sym
moniesche verkauffen d Probsteyen vñ pfründē/vñ dartzu
and seiner hypocrisey vñ apostasē nie angenömen/so hat
er mich doch kurzlich als er vñ dē Wenzischen Hoff/ do er
vil wiß dē Luther geredt vñ geschribē/kömen/ angefangē
durchschreē/vñ in alle seine büchlin wöllē menglē/ vñ so er
auch sein anhang/ mit offner handlūg an dz liecht nit kö
men dörfen/ so legē sie sich wie die straßrauber/ zwüschen
Hierusalē vñ Hiericho vff den weg/beranbē einē hie/ den
andern dort. Thünd wie Cacus der vichrauber zu d zeyt
Herculis/ziehen den gestolnē raub hinterwertz in die hüle
dañ sie poeten seind/ fliehent wie die dieb dz liecht/schrey
kent bücher vñ büchlin/vñ dörfent ire namen nit dartzu
setzen/also erkerlich seind ire sachen vnd hendel/dartzu Ca
pito/Decolampadius/vñnd dise brüder in den kisten helf
fent/dem gleych als ob heimlich eer abschneyden/schenden/
schmecken vnd lesteren/ein Ewangelisch stuck sey/vñ das
Ewāgeli müg man nit mit erkerer warheit/sonder allein
mit liegen erhalten. Also bey disem einigen Borten/ seind

Wider andern on namen/ zwey schedliche Lugenbüchlin ge
funden worden/ das ein ist wider den frömen Erasmus
in die ganzē Christheit vom Sacrament newlich vff
gangen/ hat der güt Erasmus nie künden ersaren/ wer dz
Webre. liij. gethon/ aber d so alle ding weißt vnd geredt nichts heim
lichs werde verborgē beleyden/ hat auch dise sacht nit on vr
sach key disem Marie schender eroffnet. Vñ namlich das
es der aberinnig münch Pellicanus gethon. Das ander
büchlin ist von der Disputation/ das sie darumb haben
lassen vßgon/ damit sie den frömen Christenlichen besten
digē Eydgnossen iren glauben vñ treffenliche erbere hand
lung vmbstieffen/ wie sie dan selber schreyben/ man miessē
die Disputation vmbkerē/ das ist souil/ so sie mit d wars
heit nit haben mügen beston. Vnd so ein ellenden barm
herzigen gottlosen hauffen zū Baden gehabt/ vñ an der
rechnung so übel bestanden seind/ wolten sie mit erdichten
Lugenen/ gern alle ding vmbstürzē/ vñ Christliche hand
lung verkerē/ dan sie schreyben vnder andern/ wie die rats
botten vorteylig gehädelt/ auch sunst vil spötelichs vff der
rechten Christen seyten sürgangen/ dartzu dz die vier Pre
sidenten wider das Ewangeliū seyent/ vnd sunst geredt
sey durch doctor Ecken vnd mich/ das doch warlich nit
ist/ noch wöllen sie Ewangelisten sein. Was nun ire an
schleg seind/ auch wie sie ir sacht gern hinuß trucken vnd in
iren rosen also ewiglich leben/ wirt Lütwer vest vnd Er
sam weyßheit/ nach der lēge in Kergelegtē abschafftē irer
erfunden/ vñ vorgemelten brieffen vernemē/ dartzu was
die frömen Eydgnossen vnd handthaber des alten heil
gen vnd Christenlichen glauben an die Churfürsten/ Für
sten vnd Stend des heiligen Reichs. Auch an ein ersa
men Rat der statt Straßburg schreybent. Vnd vff den

tag/ da ich dan auch zu Baden mit predigen vnd sunst er
schinen verabschiedet/ hab ich vß sonderm willen/ die weyl d
Capito souil gütthar/ gleycher weyl als ich/ so vil Jar zu
Frezburg empfangen/ vnd yetz derselbigen gar vergessen/
nit vmbgon/ vnd Luch das zuschreyben wöllen/ damit
Ie sehent/ das Luch Gott ein sonder gnad gethon/ so er
Luch/ eüwer Statt vñ erber Gmeyndt/ vor diser vergiff
ten schlangen. Ja von diser teüfelschen neüwen Sect/ die
so vil glaubē/ als menschen/ bewaret vñ behüet hat. Vnd
das Luchwer lieb nachpauē/ die herren von Straßburg
sehent/ was sie zu erst mit denen abtrünnigen/ vßgeloffnē
meyneydigen/ gotlosen pfaffen/ münchen vnd ninnen er
langen werden. Darzu das die wunderbarlich schickung
die on zweifel der werden mütter Gottes zu Ler gesche
hen/ würde geoffenbaret. Solliche wöllen von mir im bes
sten vnd freündlicher meynung annemen/ vnd also bey dē
alten/ erkeren/ andechtigen vñnd gotesföchtigen glauben/
auch bey dem Christenlichisten fürsten von Osterreich/
hinsür wie bißher beleyben/ als mir gar nit zweyfelt. So
werden Ie hie haben gnad/ vñ dort die ewigē glori. Das
verleyhe Luch der/ durch vnd von dem seind alle ding. Roma. A.
Amen. Gehen zu Baden in Ergow/ auff den xxix. tag
des Brachmonats. Im jar des herren/ Tausent/ fünff
hundert/ vnd Sechshundzweintzig.

Luchwer vest vnd Ersam weylheis
Gantz williger
Johann Fabii Doctor.
B

Dem Huldreich Zwinglin meinem Erwürdigen in dem Herren.



Je gnad mit dir Allerliebster Brüder/
der Endtchrist erzeygt ein gestalt zu
ditem mal seins letzten vermögens
wan ich darff noch nit sagen/ob er dz
ernstlich fürnem/so er vor im hat. vff
die Regenspurger verbündnüß/ hat
der Keyser ein Mandat geben/ das er
sollichs wölle schirmen mit seinem gewalt/ vnd mit gross
sem verheissen/ das er bald key den Teütschen sein wölle
vnd dise vffteuerige leer (dan also nennent sie das Ewan
gelium) von der wurzel vfreüten.

Lieber Capito/ frag die armen ellenden wilt wöl vñ wissen/ deren in einẽ
kleinen bezirk der Teütschen nation/ vil hundert tausent seind/ deren men
ner durch dein vnd der Lutherschen ratschlag vñ predigẽ leider erschla
gen/ was ir für ein verdampft Ewangeliũ geprediget haben.

Unser Bischoff spreit ein geschrey vß/ dz er kauffe haben
vff acht tausent seck/ in den nahen Stetten/ zu vnderhalt
ung eins grossen reissigen zeügs. Hat auch herberg vñnd
bestallung angeschriben. Bauwer roßstell in allen seinen
Schlössern/ ist das nit ein tho:chter rat.

Der weyß man Salomon hat geredt von einẽ geschlecht das gott hasse
vor allen dingen. Namlich/ ein verlognen man. der pasciere die wind.

Die bestendigen hertzen werdent mit lüzenschiemen nit
vertriken/ wiewol mit der Reütterey möchtẽ sie leicht krieg
fierẽ. Sifer anschlag wie er in bekömen müg weiß ich nit.
Es sey dan das gott der herr geben habe das hertz allein
zu forcht vnd zu erschrecken. Man sagt auch dartzu/ das
hertzog Heinrich von Brunschweyß/ macht vnd kuelß
habe zu kriegẽ die Sachsen.

wann du ein Christenlicher Ewangelist werest/so soltest vff hdi: ich sag
sollich ich were ding nit schreyben/vnd du/ wie ich sich/ fürchtest dir vor
den butzschienen/dañ du gact in der fahnacht.

Vnnd die Bischoff geben vil gelts vß/ dann sie haben ein
grossen gewalt von gelt. Es ist noch nit gar fürwar vß/
brochē. Aber d Rerchstag zu Speyr/ist dermassen ange
sehen/ das er sollich anschleg besteten wirt/ vñ zu der that
bringen/so bald sie sehen das sie einen gewissen sig haben.

Ich sorg für
war du syest
ein Rechter
Cretenser.

Sich diser Prophet weist künfftige ding/ vnd was die mensche in iren
hertzen haben.

Es ist gegen den Stetten ein ernstliche schwertsechtung
oder krieg vor handen/ die sie aber mit clugheit oder kunst
bißher zertrennet haben.

So du vnd deins gleychen vff dem land schier alle pauren erschlagen ha
ben/wolten ir gern einen Stett krieg anrichtē/ den wirt man fürk oñen/
mit zweyen kurtzen ratschlegē. Namlich/ dich vñ deins gleyche Sacra
ment stürmer veriaßen/ vnd Christenliche ordnūg wider vßrichten. So
das geschicht/so wirt dein prophecey nit erfüllt.

Es ist kein gegne am ganzē reinstrō/ die vß rechtē gmüt/
sich nit vnser stat verglyche. Die mindn prediger an allē
ortē werden vertribē/ dañ es fürcht yedermā etwas übels.

Das hast du/der Butzer/ der Zeller/ der Medius/d Farellus vñ ander
meyney dig bried in d kistē zügericht/dañ ewer baum gibe sollich fruchte.

Es halten sich die fürsten der gotslesterigen Keyserliche
Mandat/ damit d man den gemeynen mañ nit lasse le
sen die geschriffte/ die aber alle im lufft hingon werden.

Nota vnd wol/dz diser Ewangelist Keyserlicher Bailestat Edicta/ gots
lesterig nennet/mit der zept sol es nit vergessen werden.

Aber die vnderhaltung des kriegs/ das ist das gelt/ wañ
den Tyrannen nit mangel sein wirt/ demnach vnd sie ge
neygt seyen/ den nachgelegten Stetten schaden zu bungen/
werden sie ein vrsach sein zu kriegē.

Nota/ wie er die fürsten Tyränen nennet/ vß Ewangelischer patientz
vnd dem geist Gottes.

Dañ mich bedunckt/ die widersecher sagen werdent. Wir
wöllent gehorsam sein den Keyserlichen Mandaten/ die
wir geschworen habent. Desßhalb verbiotten wir die neis-
wen leren. Aber ir Stett saren hie zwüschen frey für/ vnd
wöllent die handhaben/ dannenher vnnsere volck auch
vergift wirt. Darumb vō nöten ist/ das einweder wir
vff eüwer meynung/ oder ir vff vnser meynung köment.

wie bedunckt eüch dañ/ solten ir also fürfaren/ so würden Fürsten vnn-
berien/ in dreyen iaren keinen pauren mer haben/ man miest sie all zu tod
schlagē/ nach des Luthers leer vñ ablas den er über die paure gebē hat.

Dartzū wie mügen wir Keyserlicher maiestat wissen/ der
es also gekeüt widerston/ demnach darmit dz man ein ge-
meyne einhelligkeit überkom/ so wöllent wir dz ir die Pres-
dicanten vstreyben/ vnd die alten Ceremonien wider vff-
richtent/ darmit wir zū beiden teylen mügē den Keyserliche
Mandaten gehorsam/ vñ in einhelligem glauben alle
vereiniget sein.

By dē alten glauben ist es nit übel ergangen/ aber ir haben mer schade
gethon gantzer Teütscher nation/ dañ sie in 3 wey tusent jarē erlittē hat.

Wan sie nun also handeln werden/ wienul meinst du das
Stett bleyben werden. Warlich es wirt selten eine bleyben
Straßburg/ Ulm vnd Nuremberg in diser gegne/ vñ
villeycht drey Stett in Sachsen.

Id est/ die sey-
ent Eüch zū
weyt gelegē.

Nota wie disem Ewangelisten d̄ baß in büßen geloffen sey/ es beduncke
in selber/ ir sache müg noch werd keinen bestand haben.

Aber dieso nach an den Eydgnossen gelegē/ werden war-
ten wie es eüch ergang. Was hoffnung aber sie empfangē
haben/ vß dem/ das die Eydgnossen zertrent/ erfahren wir
hie wol/ du sehest ein groß frolocken/ eins gegen dem an-
dern/ als ob sie yetz gesiget haben.

Capito/ hettst du den ellenden barmhertzigē hauffen bey dem Ecolam

pablos/gegen dem treffenlichen/ Erbarn/ Christenlichen hauffen gesehen/
du bettest dich selbst erbarmet.

Das sie aber mit diesem thorechten oder cleinsiezen biebch
lin verhindert.

Es ist war/das biebclin ist klein/aber die lugen sind groß/ vnd schäm
dich in dein hertz/das du sollich groß lugin wider so ein dapffere erber
keit der Eydgnoßen/solt trucken lassen/psellw dich diser biebereyen.

Vß wölchem/wie möglich/ die arglist vnser widerwertigē
eröffnet werden. Wann wir durch menschlichen rat vnser
sach handleten/weren wir schon versaren/sonil materi er
öffnet sich an allen orten/ das wir vns billich fürchten sol
len. Aber dieweyl wir wissen/wie tieff das wort in vil ynge
wurtzlet/hoffen wir vil beston werden. Vnd ob gleych wol
etlich abgefallen/ werden sie der tagen einest wider vffstou
Dan einen langwirigen vnd vil costenden krieg/ werden
sie nit leyden mügen/ vnd mit einem mittelmessigen/ wero
den sie nichts schaffen.

Da sieht man wol/das ir etlich nit vff das wort gottes/sonder vff die kar
thonen/norckblangen/holl werck/vñ die grossen pasteyen verlassen wölle
also haben im auch die zwölff bottē gethon/ derē nachkommen ir alle sind.

Summa summarum/ der Paps ist gefallen mit allen
seinen knechten/dieweyl sein glaub vß der menschen hertze
vertrieben ist. Sie so Ch:istum verfechten das er ins brot
kome/werden leydelich abgestelt.

Sich du gotsefterer/ du wilt auch Ch:istū vertreybē im Sacramēt/dz
wilt aber nit bescheben/er ist zu starck/bast du vergessen/da du vnser pre
dicant zu Basel/ein liebt der C:ristenheit/ vnd ein grosser Rabi in alle
sproche gewest bist/dz du fünf jar aneinander/ alle tag mess gehalten hast.

Dse ding hab ich dir schreiben wölle von gemeynen
sachen/dan ich wol sich/ das sie nit lang weren mügen/als
lein das die weichen hierwischen von vns fallen/ vñ die
stercken wider vffstou. Sie fürchten ein neuwē frantzösis

sehen Krieg/vñ alle tag bringen sie etwas anschleg/hiezwo
sehen würdet der hertz sein wort weyter vßspreiten.

Sich zu du frommer Christ/was das für leute seyen/das sie sich freitwen/
das die größten heupter/als d Keyser vnd Rünig von Franckreych wi/
der einander krieg fieren solten/allein das ir bieberey ein fůrgang hab.

noch/ dz noch
die fromen al
ten christen zu
Straßburg i
de Rat sind.

Hör ein neuwen vffsatz des teufels/verganger tagen ist
einer vnd vast ein vngelerter/ der widerteuffer von Bens
feld/ist ein Stetlin vnder zwing vnd ban vnseris Rats/
allher gefürt wordē. Derselbig hat eulich öffentlich geschol
ten vnd gesagt/er wöll vns dartzu bringē/ das wir wider
rüssen müssen. Unser widersecher die wir im Rat haben/
haben den Narren mit grosser freud empfangen/vnd zu
gericht/mit bewilligug vnseris anhangs/ das wir drei oß
vier mal/ vor voltkommnem oder gangzen Rat gehandelt.

Es ist so war
als bet es got
geredet/dan ir
wollen Chri
stū vertrybē.

Die haupt artickel seiner lere seind die/vnder den Chris
ten sey kein Oberkeit/ die kindt sol man nit tauffen/ kein
Christ müg waffen nemen zu beschirmung der Oberkeit/
der teüfel vñ alle gottlosen werden zu letst auch selig. Vñ
hie zwüschen hat er vil gegen vnns vßgeworffen/ wie die
Papisten gottlos seyen/ aber wir übertreffent die selbigen
in vnentlicher massen. Das auch böser leut dan wir nye
gewesen/noch hinfüro sein werden. Hat auch gesagt/von
retz über Syßen jar/biß vff die hymelfart/ zu der zwölffte
stund/im ersten artickel der stund/ werde vffhören die welt
Zu letst nach dem als er durch dz wort dapffer gestrafft/
vnd wir disen menschen/ der von begird d glori vnfinnig/
widerfochten/ist er verbotten worden wider gen Bensfeld/
mit disem gebott/ das er hinfür dem gemeynē man/ seine
leren nit offnen soll. Aber hiezwüschen hat er wunderbare
liche ding von im selber gesagt/ vnd wie er vns überwun
den/auch gar geschweigt hab/das auch alle geleerte fallen

müssen vor seinem geist/hat auch vff dises gesch:ey vil be-
wegt. Vff das hat ein Rat zu lest gebotten/das d pfer-
ger desselbigen orts/ den menschen vß dem Stetlin ver-
treiben solt. Das ist geschehen/ vnd als ein vertribner her-
kömen. Gestern ist er gewesen bey der predig Matthei Zel-
lij/ vnd gleych als er kaum zwey wort geredt/hat er bitter-
lich widersch:yen. Dann er hat vor im gehabt ein ort im
fünfften buch Moysi wider die so Gott nit hören wollen.
Hat derselbig angefangen/es werd nit sein/vñ gesprochē
Sehent zu was gefarlichkeit sey/ das man nit gehört hab
den geist/so der redet in der geschrifft. Gleych hat diser wi-
derreuffer angefangē. Bruder Mattheus du leigst in den
heiligen geist. In crafft desselbigen gebeüt ich dir/ das du
herab steygest/vñ mir als dem der ware ding vß dē geist
reden würt /statt gebest. Da ist entstanden ein vffrur in d
gantze kirchen/vff dise einige stym. Da ist ein Burger kö-
men/vñ hat mit gewalt disen vnvernünftigen zu dē Burgers-
meister geführt/vñ ist die Gemeynnd nachgeuolgt/die Mat-
theus schwarzlich erhalten/nach erkeüt sich diser Lecker zu
der gegenstraff/vnd halter ernstlich an/das man vns alle
gefangen neme/biß die sache ein end neme/vnd schreyet vñ
thurn. Lüwer Predicanten werden niderligen/vñnd seind
schon vñz nidergelegen.

Dise deine brieff seind ein anzeigung/das diser geist recht gesagt/ frylich
er ist Saul oder Layphas.

Sich zu was vngestüeme disen einfeltigen vñ schlechten
menschen/ der vil vff im selber hat/ vmbereybe/wir werden
etwas von im leyden müssen/aber on alle gefar/ dan vñ-
sere Gemeinden/sind d massen fürkömen/dz sie selber wiß-
sent/was sie im Christen glauben thün vñ haltē sollen.

Das ist ein wer art/das ir Rotten machen/ vnd den gemeynen maß wñ-
der die Oberkeit an eüch heucken.

Sifes hab ich schreiben wollen. Lutherus hat das büch
lin Singräma den Schwaken zu Teütsch gemacht/ vñ
gelobt mit grosser vored/ in wölchem du vnd Ecolamp
adius verstrickt od verwicklet seyen/ da wolt ich dz Ecol
ampadius vff solliche meynung antwurten solt/ wie du
von im vernemen würdest/ on zweyfel das er die sacht zu
gebe dem herren/ der vns also versuchen wölt/ vnd frey be
kennen/ was grosse ding gott durch in gerhon hette/ dz es
auch gar nach einē menschen nit möglich. Deshalb wür
de der herr disem übel auch ein artzney mit gnaden geben.
Sieweyl er in verlassē in solliche irzal/ vñ lasset in wider
fallen in vergessung der liebe. Sergestalt das er die dem
teüfel gebe/ vnd nenne Satanas/ die er für brüder in der
liebe erkennen solt.

Das reych sa
thang müß al
wegē zertren
net werden.

Sich wie sie dem Luthero das hālm lin vñ falschem hertzen durch das
maul ziehen/ vñ in loben wölten/ ob sie in auch zu einem Sacrament
stürmer machen möchten.

Wir haben noch kein Copey daruō überkömen/ dan der
Büchtrucker wil es verhalten biß zu der nechsten Weso.
Ich hab zügericht einen vffsatz/ vñ hoff ich wölle bald ein
Copey überkömen/ so werden ir als bald solliches haben/
dan man antwurt geben müß.

Sich das ist briederliche liebe/ das er seinem brüder in Christo/ dē büch
trucker/ heimlich ein büch wil stelen lassen. Thet ich das sprach d wölff/
das wolfgangus thūn wil.

wir haben es
zu Baden by
dem Marie
schend lundē

Er ist allweg
ein Stoltzer
mülich ge we
sen.

Ich hab dem Ecolampadio geschickt/ was d Luther in
einem Sandebrieff zu einem seinen anhenger geschriben.
O menschlich vertrauwen. Also mag der Luther vffrichs
ten den Kammern/ vnd alle ding verachten. Es hirt vns
jer Büchtrucker/ habest du ein Singräma d gesellschaft
wöllest vns dasselbig schicken/ oder das du dise ding vñ
richten wöllest in zweyen tagen vñ kurzē stunden magst

Du sollich thün/ die wöllest an dise sache legē/ daß es vast
not sein wirt/ das man die Disputation verkere.

Das wöllen all from Chriſten/ vnd in ſonders die Chriſtenlichen Eyd/
gnossen zu hertzen faſſen/ wie diſe leitet diß erber vnd treffenliche handlung
wöllen mit der lugin vmbkeren/ ſo ſie lebent vnd wiſſent/ das ſie mit der
warheit nit beſtanden ſeyen/ allein das ſie den gemeynē mañ auch in der
Eydgnosſchafft/ wider ire hertzen vnd Oberrn vſfrüerig machen.

Ich bitt dich du wölleſt diſen brüß nit leer widerüß ſchick
en. Es iſt das geſchrey wiewol nit gewiß/ dß diſer tag die
oberſt Statt in Hungern/ vom Türcken eroberet. Darz
zu das die Reüter des Schwebiſchen bunds vom den
Salzburgiſchen nidergelegt.

An vil enden vnd orten hab ich gehört vnd geſehen/ wañ es den Fürſtē
vnd dem Adel übel ergang/ das ſich diſe Ewigheilliſchen von hertzen er
freit vor/ Gott wirt es in die hant nit vertragen.

Das auch das Schloß zu Noyland/ mit fünfftauſent
fußknechten belegert/ ſo lang biß das der vō Bourbon kö
men wirt/ der hiñfür das Herzogthumb inhaben wirt.

Sehent zu diſer Kauffman hat ſein Poſt vom Keyſer in Hispanien/ vō
Türcken/ von welſchen landen/ vñ Franckreych/ vñ Bägern/ vñ d̄ Eyd
gnosſchafft/ vnd von allen landen vñnd orten/ auch vñ der hell/ da ſie Sa
thanam erlediget haben.

Dargegen aber iſt allerley anzeigung/ was die vſfrüer
gen thün werden.

Ich meyn du wölteſt dē purē aber ein mal gern predigē als du vor geſt.

Lieber haſt du ettwas gewiß wie es zu Bern ſtand/ oder
was du doch für ein hoffnung habeſt/ Schaff das wir es
auch bey diſem Vortten wiſſen mügen.

Ich wil dir es ſagen vnd warlich nit liegen. Es haben die von Bern vñ
all ir Landſchafft/ deren wol Dreyßigtauſent ſeind/ ein Eyd zu Gott vñ
den heiligen/ zuſamen geſchworen/ vñ deßhalb den Syben Orten brieff
vnd ſigel geben/ das ſie bey dem alten glauben ſterben wöllen. And dar
vñ all pfaffen vnd münch/ die weyber genömen haben/ verlagt. And vñ
Montag nach Johānis Baptiſte nechſtauerſchinen/ hat dein vñ Zwing
liñs brüder in der kiſten/ d̄ Predicant zu Bern/ vor groſſem Rat beken/
C

net/das er halt vnd glaub die Dels wie wir sie haben sey gerecht/vnd
im Sacrament des altars/sey der war leyb vñ dz war blut Christi/dar/
zñ geschworn den alten glauben zñ halten vnd zñ predigen. Dab ich dir
für neuwe zeytung nit wöllen verhalten/deine sache wissen darnach zñ
richten. Dañ eñwer Babylonischer thurn vacht an/an allen orten fallent
vnd wil eñwer dieberey eins mals gar an tag kommen.

Bis bewaret im Herren du starcker Ritter vnd Bröder
in Christo. Geben zñ Straßburg am Xylfften tag des
Brachmonats. Im Jar Tausent/fünffhundert/Sechs
vnd Zweingig. Der Burger vñnd die Bröder grüßten
dich/vnd in sonders der Farellus.

Wol. Capito.

Dem Allerliebsten Bruder Os

waldo Wiconio.



Nad vnd frid von Gott. Ich hab zñ Zürich
geschriben vor einem Monat/von de heblin
des Claudij/wölches knecht sie gewesen/dz
du es verkauffen/vnd das gelt gen Witten
berg schicken soltest/sampt den brieffen/wöl
che kuntschafft geben/das es sein knecht sey/ den er hin vñ
her gefiert. Dañ wie er geschribē/ wöllen in etlich zñ Wite
nberg absetzen/wiewol es nit ein treffenliche sache ist/noch
dānocht wolt in d hūd/ wie vnweyß er ist/gern lernē lasse.
wer besser gewesen das sie zñ Daryß beliben/ dann das sie zñ etlich gen
Straßburg kommen.

Wir zweyfelt nit du wissest wie die vnsern von dem Kün
ig erfordert/denselbigen wölle Christus geben Christen
liche hertz vnd gemüt/wölches wir von dem vatter beges
ren/damit die geleerten Christen gefürdert werden.

Wir seind andechtig vätter das mir eñwer betten nichts thue.

Antonius Bletus ist hin gefare zñ Christo/ nit en argte

won einer vergiffung/vñ ee wir zu elich kōmen seyen/hab
man geachtet er wer schon hindurch.

Sich wie schendet diser ketzer die künigklich wurde zu Franckreych.

Man sagt Buxus sey auch hin/ vnd einer der nit wenig
bey dem Künig in der vßgab vermōgt/wölche dises lieb-

lich büchlin von der Beyche/ von Erasmo zugeschriben/

sey auch von dem giffte gestorben. Wölches yetz in Fräck-

reych gemeyn ist/Gott der Herr wölle dise schlangen vnd

hausnatern/die so vil giffte vergiessen/wol bewarē/damit

ire kinder in der schlangen hülle auch scherzen mügen. Ich

wölte gern wissen/wie es mit vnserm Pero gangen were/

ob er im vnfal wider zu den seinen kōmen/ oder bey dir in

güttem glück were. Hie sind erstanden etlich anfang einer

hohen Schül/das dir nit verborgē ist/ vñ hat man Vor-

leser bestelt/ein in Greco/vnd ein andern in Hebreo. Hie-

zwischen der Capito vnd der Burger faren für mit iren

Lezgen. Die sach zu Bern gefaller vnns nit vast wol/

Gott wöl das es den gütten zu Baden nit schaden bring.

Es möcht nyemands gnüg sagen/was man hin vñ her

von diser Disputation saget/wölche Gott wöll das sie

ein fröliche vßgang hab zu der glori Christi. Du wöllest

grüessen in vnserm behalter Christo Zwinglin/ Leonē vñ

de Caspar/da ist nyemāt hie/ d sich nit freuwe/ dz sie keine

füß veredert habē/diewyl es sein vñ d andn brüdn nutz ist.

Farrellus meynte so d Zwinglin vñ der Jud nit gen Baden vff die dispu-

tation kōmen sey/on angesehen/das man den Landruoge vñnd vierzig

Erberer männer vñ der Bzaffschafft Baden het wölle dem Zwinglin

zu Beyßel geben/laut des Bleidreßbrieffs der Zwölff dñer.

Vnd mein lieben Pellicanum auch dich/grüessent hie die

Brüeder. Die gnad Christi mit dir. Zu Straßburg/ am

Vierden Junij. Anno M. S. xxvi.

Dein Farrellus.

C ij

wie bedrücke
tich/ es ist ein
Christliches
büchlin.

In dise schül
bin Ich auch
gangen/ aber
ich fand alle
acht vñ gelof-
ten Bünich
darinn.

Ir miessent a-
ber nit darzu
liegenn/ nach
etwem ge-
brauch.

Dem Ulrichen Zwinglin Bischoff zu Zürich dem Liebsten Bruder.

Es ist aber ei
nigüwer leer/
man vorhan/
den.



Mota hier/
kennt man den
geist.

wann Doctor
Eck oder Fa/
bri dz gethon
betten.

Eyl in Christo mein Bruder. Es ist
on deine brieff widerkömen mein dies
ner/ Aber es ist mir gnüg an deinem
fleyß/ Damit mein büchlin vßgange/
das wöll Gott der her: widergelten.
Das man de Luther antwurt ges
be/ achten die Brüder zu Straßburg.

Doch acht ich weger sein/seinersten Sandtbrieff zu ver
ziehen/ vff der Schwaben büchlin/ das sie Singrama ge
neht/ vnd alsdan handeln/ was angesehen würdet/ zu eer
des Herren/ dan an allen orten gibet vns d teufel zu schaf
fen/ vnd von nöten ist/ dz wir vns wol umbsehen/ darmit
billicher weys vnser widerscher an keine ort wider vns sich
berüemē müge. Ich schick dir de sandtbrieff des Luthers
wider/ den solt du behalten bis zu seiner zeyt/ dan er allein
vil mer leitt in disem irrsal verhindert/ dan all Bepfller.

Das wöll Gott nit/ das die ganz Christenheit vö dem Sacrament gar
nach fünffzehnhundert jar solt geirret haben.

Das büchlin das die Straßburger getruckt haben/ has
kent langest die Bepfller her geschickt/ darmit sie die er
zürneten Eydgnossen mer erzürnen möchtē/ sie seind aber
von natur/ das sie sich liederlich erzürnen oder vffsetzen las
sen. Unser Perus hat ganz für übel gehabt/ vñ hat mich
beriefft für den Burgermeister/ vñ durch mein zeügknüß
sich schön gemacht/ das er mich nit gebettē hat/ damit ich
nur abston von der ersten Schlusfred/ von den übrigen
mag man wol ein rbeding treffen. Vnd so ich in entschuld
iget hab/ ist er nit zu friden gewesen/ es were dann das ich

in auch vor ein Rat entschuldiget. Wölcher der ist so geschriben hat/der hat vnweyßlich geschriben.

Er hat auch vnerlich geschriben/ daß es nit also ergangen ist.

Daß des Beren vnd aller red was/wen der erst artickel abgericht/so weren darnach die annern auch bald abgericht. Wolte gott das alle ding möchten gewißlich angeschriben werden/daß warlich vil ding grob gebädelt seyen/ich wil nit sagē vff gotlose weyß/ damit sie ir sach fürderet.

Du hast dich fürwar billicher weyß nit zū beclagen.

Vnd vil d brieder die haben die sach hinlessig hingon lassen/wan ich reden solt/ich het nit der zeit vnd müß/zū gedēckē alle ding yetz/daheim hab ich noch minder zeit vñ weyl/die andern haben ander ding zū schaffen/hiezwüsche die Bepfler vnder iren lugenen bedacht/leben wol/vnnd berüemen sich eines sygs/ja wan sie freünd weren der warheit. Die kirchen sollen wir ermanen zū teglichem gebett vnnd zū vnschuld des lebens/ob villeycht der vatter der barmhertzigkeit/wölte versönen die grausamen wölff einmal/wölche für vñ für vnderstanden sein herd zū verderben. Biß bewart im herren. Am viij. Junij Basel.

Sein Ecolampadius:

Dem Conrado Pellicano vnserm
Liebsten Brüder im Herren.

Pellicanus ist ein Barfüßler münch zū Basel gewesen.

C iij



Nach vñ frid Christi mit dir allerlieb-
ster Brüder im Herzen. Dein buech/
lin vñ der meynung Erasmi vñ Lu-
tzei: über die materi des sacramēts/
hab ich mit grossen begirren gelesen.

Der from Erasmus hat nye künde erfarn/wer
das buechlin gemacht hab. Wie schreybt Lapi-
ment/der aber sie zū schanden bringen würt.

Weyter was diser geschwind antwurt/ vñ es sol dich nit
gereüwen diser arbeit. Dan er wöll oder wöll nit/ so müß
er sich nichts desterminder öffnen. Disen Brüder hat ab-
gefertiget der Buechrucker/ mit meiner bewilligung/ das
wir wissen hetten vñ eüwern sachen. Vnd ist es dir müge-
lich/so schaff dz der güt Brüder etwan vffgehalten werd/
da er on grossen costē leben müge/bis Zwinglin wider ge-
schriben hat. Von meinē studierē/ hab ich yetz den Thalo-
mut/hab aber kein Lermeister/ Darumb ich fleysig bitt/
du wöllest mir schicken einen Thalmutischē vocabulari.
Besich das du es hast treffest dan mit deiner Gramatic.

Es hat vff solliche meynung vflassen gon zū Rom/ einer
mit namē Santes Pagiminus/ hab es aber noch nit ge-
sehe. Darzū sagt man/ es sey ein ander truck zū Venedig
vffgangen/ das ich nye überkommen hab. So hab ich vor-
zeyten key dir gesehen Ein Caldeisch geschriben mit deiner
band/ das wölt ich möchtest du sein mangeln/ das du es
zū mir schicktest/ allein etlich Monar. Wie es zū Bern
stand/wöllest vnns schreyben/ dan es sachen seind/ daran
vnns gar vil gelegen/ das wir es wissent/ sie seyen stölich
oder widerwertig.

On zweyfel eüch nit wenig an Bern gelegen/ wie es aber stand hast du
vernomen/ob es dich vñ deine vffgeloffnen Mönch vñd Munnē zū

Strassburg erfreuen werd/las ich dich vmb sorgen. Ich hab ein rechte
mitleyden/ mit den Werzen von der Statt Strassburg. Licher Capito/
all/mein tag hab ich dir leid nye/aber von Sechzeben jaren her vil güt
gethon/noch hast du mich nit vffsetzen wöllen/das hab ich gern gedule.
And vñ alter gesellschaft/bab ich dir diß obgemelt neu we zeytung von
Bern vnd sunst wöllen zuschreyben. Gott geb das dir die schieppē vom
augen fallen/das du wider zu altem glauben komest.

Grüß die Brieder all. Gehen zu Strassburg am Erlff
ten Junij. Im Jar/Tausent/ Fünffhundert/ Sechs vnd
Zweinzig. Theobaldus Tigri vnnnd die andern Bries
er/vnd in sonders der Burger/grüessen dich vast.

Sein Wolffgang Capito.

Dem Hochvirdigisten/Hochvir/
digen/ Durchleuchtigsten/ Durchleuchtigen/ Hochge
bornen/in Gott vettern/ Fürsten vnd Herrn. Auch Eers
wirdigen/ Volgeborenen/ Edlen vnd Gestrengen/ Vee
sten/ Hochgeleerten/ Fürnemen/ Weyßen/ Churfürste
Fürsten/ Herren/ vnd andern des heilige Keychs
Stenden vnd Botschafften/ verz beyeinander
vff dem Keychstag zu Speyr versambs
let/ Vnsern Gnedigsten/Gnedigen/
Besonders Günstigen Lieben
Herrn vñ gütē freunds
denn.



Ochwirdigisten/ Hochwirdigē/ Durchleüch
tigisten/ Durchleüchtigen/ Hochgebomen
in gott vatter/ Fürsten vnnnd Herren. Auch
Erwirdigen/ Volgebome/ Gebomen/ Ed
len/ Strengen/ Vesten/ Hochgeleerten/ Für
nemen/ Weysen/ Gnedigsten/ Gnedigen/ Besonders güns
tigen lieben Herren vnd gütten Freund. Zuwer gnaden
gunst/lieb vnd güt freüntschafft/ seind vnser schuldig vnd
ganz willig dienst/ mit erbierrüg allzeyt bereit zūior. Zu
wer Gnad/ gunst/lieb vnnnd gütte freüntschafft/ treget güt
wissen/ wie vnser Herren vnd Obern/ von den Zwölff or
ten vnser Eydgnoßschafft/ vff die zwaytracht vñ zwayung
die entstanden ist in vnserm heilige Chrißtenlichen glaube
durch den Luther vñ den Zwinglin/ mit iren anhängern
vnd sich nun ein güt zeyt her/ mit grosser vffrür/ vnnnd vil
blütuergiessen/ gehalten hat/ vnnnd noch haltet/ angesehen
vnd gehalten habent/ ein lobliche vnd eerliche Disputa
tion zū Baden in Ergow/ Damit sollich irtung abweg ge
thon/ vnd der gemeyn man zū rüwen kömen/ auch d̄ war
alt recht Chrißtenlich glaub gehandelt hat/ vnd vffrür vñ
blütuergiessen abgestellt/ desgleychē frid/ einigkeit/ auch lies
ke gottes vnd des nechsten enthalten/ vnnnd heyl der selen
gefördert werden möcht. Vff das so wir vß keuelch kemel
ter vnser Herrn vnd Obern/ vff heütigen tag/ wider zūsa
men kömen seind/ zū ratschlagen vnnnd zū betrachten/ wie
verrer darin zū handeln wer/ dadurch das wie obstat/ eer
lich/ loblich/ vnd nach dem gefallen Gottes/ vnd zū Er
vnd breyß/ der wirdigen mütter Marie/ aller vßerwelten
Gottes heiligen/ vnd ganzem hymelschen heer/ würd ge
fördert vnd seligklich geendet. So ist vnserm Landruogt
zū Baden/ ein gefangner ißerantwort worden/ hinter dem

haben wir funden getruckte büchlin vnd geschriben brieff/
von Pfaffen vnd personen vßgangen/wie Lütwer Gnad/
gunst/lieb vnd freundschaft / das alles hie beyligende sehe
wilt. Vnd besonder in den truckte büchlin/wilt mit allein
mit gesagt/wie es ergangen ist/sonder wilt Doctor Beren
vnd des Scolampadij halb/ein offner schedlicher lug ge-
sagt/ist des ersten artickeles halb. Dann vnser lieb Lüt-
gnossen von Basel/haben sie beid beschickt vnd erkunnet/
ob sollichs also ergangen sey/ist entwederer des bekantlich
vñ weist keiner nichts darvon. Vnd dieweyl vnser Herrn
vnd Obern/auch wir wissen/das Lütwer Gnad/Gunst/
Lieb vñ freundschaft/gleicher gestalt versamblet ist/sol-
lich irtung zûfütömen/vnd die Lüt Gottes/vnd den al-
ten waren rechten Christenlichen glauben zûbehalten vñ
zûschirmen. Vnd aber an disen heimlichen vñ freunliche
rückten vnd geschribten/so durch die personen vnd ander-
ires gleychen/die sache beschönent/vnder dē schein des wort
Gottes/vnd der gestalt der warheit/nit nur yetz/sonder
vorher vñfeltriglich/hinder allen Christenlichen Oberkei-
ten/für sie selbs vßgangen/damit sie den gemeynen man
zû vñfür bewegt/vnd diß irtumb herfür gebracht hand/
vil wil gelegen sein/das man die abstelle/vñ die Theter
dermassen straffe/das sie es nymmen thüendr. Habend
wir Lütwer Gnad/Gunst/Lieb vñnd freundschaft/das
nit wölten verhalten/mit ernstlicher bitt/Lütwer Gnaden
Gunst/Lieb vnd freundschaft wölle gefallen/gleich wie
vnsern Herrn vnd Obern/dapfferlich harinnen zûhand-
len/vñnd dermassen/das sollich schantlich leüt/es seyend
Pfaffen oder Leren/die nichts anders bißher/dan alle vn-
rüt/groß blütuergießen/vñnd alle zwytracht zûgericht/
vnd dartzu alle Oberkeit vnd Lütkeit zûschenden vnd

zuschmecken/ auch vnderzürucken vnderstanden haben/
gestrafft vnd vßgereüt/vnd die Oberkeit hinter denen sie
seyende/dermaß durch Eüwer Gnad/Gunst/Lieb vnnnd
Freiintschafft ersücht werdent/ das es beschehe/ das würt
vorab Gott dem almechtigen zü gefallen reichen/ Auch
ganzer Teütscher nation zü rüw/lieb vnd Eren dienen.
Samit so beuelhen wir vns eüwern Gnaden/gunst/liebe
vnnnd Freiintschafft/ mit erbietung/warinn wir Senen/
gütwillig vnnnd freüntlich dienst beweysen mügendt/ das
wir dasselb gern thun wöllen. Datum vnnnd mitt des
Frömen/ Weyßen/vnsers gerreüwen lieben Landtuogts
zü Baden in Ergöwe/ Vlrichen Stürlers des Khars zü
Vry Secret in Vnser aller Namen verschlossen. Am
Acheundzweintzigsten tag Junij. Anno 2c. xxvj.
E. f. G.

Gunst/Lieb vnd Freiintschafft güt
willigen/ von Stetten vñ Landen
der Zwölff Orten gemeyner Eyd-
gnosschafft/ Ratbotten/ retz zü Ba-
den in Ergöwe versampt.

Wie nach volgt ein Sandtbrieff an
die Herren vñ Statt Straßburg. Von den Rats-
botten der Zwölff Orten gemeyner
Eydgnosschafft.

Den Strengen/ Fürsichtigen vnnnd

Weysen/ Ammeyerster vnd Rat/ der Statt Straß-
burg/ Vnnsern lieben vnd gütten freünden.



Vnser freündtlich willig dienst/ vnnnd was wir
Eren vnd güts vermögen züvor/ Streng-
gen/ Fürsichtigen/ Weysen/ Besondern lieben
vnd gütten freündt. Vns zweyfelt nit ir tra-
gent güt wissen/ der Disputation so vnnser
Herren vnd Obern haben lassen halten zü Baden in Er-
göwe/ der yetzigen irrigen Luthers vnd Zwinglins/ vnnnd
ir mitbafften vnd anhenger leer halb/ damit man zü frey-
den vnd rüwen/ vnnnd bey dem waren vnd Christenlichen
vñ rechte glauben bleyben möcht. Nun so wir vß beuelch
vnnser Herren vnd Obern/ yetz wider züsamen kommen
seind/ zü handeln vnd zü raten/ dardurch sollich Dispu-
tation/ vnd was darnuff gehandelt ist/ zü beschluß vñ güt-
tem end gebracht werde. Ist vnserm Landtuoget zü Bas-
den überantwort worden ein gefangner/ der ist von eüwer
Statt Johannes Bachlin/ vonn Eüwern Predicanten
dem Capito/ Wolff Köpflin dem Truckter vnd andern
vßgeschickt/ mit etlichen getruckten büchlin/ vnd geschrib-
nen Dissiuen von dem Capito vnd andern/ im vffgeben
die dem Zwinglin vnd andern zübringen. Vnd ist nit on
sollicher Truck beschwert vns/ angesehen/ das in dem nit
allein nit die warheit/ wie es ergangen ist stat/ Sonder so
ist darinn ein sonder offner schedlicher Lug/ das vns vnd
vnnser Herren vnd Obern/ vor dem vnuerstendigen ges-
meynen mann dargibt/ Als ob solliche die warheit seyge.
Vnd ist eben das/ das darinnen stat/ das Doctor Beer/
den Ecolampadiu solle gekertt haben/ den ersten articel

Des Sacraments halb nach zülaffen/ so werde in dem andern wol ein rachtung getroffen/das aber entweder wichtig ist/vnd haben leid vor vnsern lieben Eydnossen vñ Basel/die sie darumb ernstlich gestagt vnd erkundet haben/gesagt/das von inen beiden/des nye gedacht seye/vnd beschehe inen darumb vnrecht. Vnd so nun an sollichem allem gehört wirt/was Gots wort dise irrige lehrer brauch en vñnd süchen. Namlich/wo sie mit liegen/triegen/schenden/lethern/vñnd heimlich practicken/das gemeyn vnuerstanden volck wider ein Oberkeit vffweyßend/ allein das ir fürgenömen schedlich sachen/ wie die dan bißher geschē/ vñd fürer vor augen seind (wo das mit der hilff Gottes/ von den Christenlichen Oberkeiten/nit fürkommen wirt) einen fürgang habend. Ist an Lück von vnserer Herrn vñd Oberer wegen/vñnser ernstlich ansüchen vñd bitt/ Je wöllent gegen Lückern Predicanten/dem Capito vñnd andern/so disen Truck vñd geschribten haben lassen vñs gon/handlen/das die notturfft erfordert/ vñd sie wol vñs dient hand. Dan der diß alles angezeigt hat/ist bekantlich gewesen/das d Capito vñd der Trucken/sollich buech lin vñdereinander getruckt. Vñd dartzu versehen als ein Oberkeit in Lückern Statt/das deßgleichen von andern weder geschriben noch getruckt werde/vñnd ob es darüber beschehe/einen straffen/das ers nit mer thue. Dan vnser Herrn vñd Obern/in solliche auch ernstlich werden handlen/dardurch der war Christlich glaub beschürmt/vñnd freud vñd rüwe enthalten/auch blutuergießen vñnd übel/so bißher daruß erbärmlich entstanden ist/ würde verhütet. Vñnd wir wollen auch vñs von vnserer Herrn vñnd Oberern wegen/gegen Lück dñeins andern versehen/vñ das vmb Lück güetlich zü beschulden haben. Darum

vnd mit des Fürnemen vnd Weysen vnser getreuw
liche Landtuogts zu Baden in Ergowe/ Vlrichen Sur
lers/ des Rats zu Dy Insigel/ in vnser aller Namen bes
schlossen/ vff Vigilia Petri et Pauli apostolorum. Anno
Tausent/ Fünffhundert/ Sechshundzwainzig.

Von Stetten vund Lendern
der Zwölff Orten vnser Erde
gnosschafft Ratsbotten/ vnz
zu Baden versamblet.

Nun folgt hernach
der Abschied/ was sich die Ratsbot
ten von den Zwölff Orten der Erdgnosschafft/ vff
gemeltem Letstgehaltnem Tag zu Baden in
Ergow/ nehent andern auch der Luchs
rey halß/ mit einander entschlos
sen habenn.

S ij



S ist auch vff disen Tag zu Baden
angesehe/ das in allen Orten/ wo die
Lutherischen pfaffen seind/ vnd ent-
halten werden/ so verr man doch die
selbigen nit hinweg thun/ dz doch die
selben Lutherischen Predicanten vn
pfaffen abgestellt/ vnd sie weder wenig
noch vil predigen vnd leren/ sonder rüwig sein sollent/ bis
zu erleüterung vnd vstrag der Disputation/ vnd man
sehe/ wer dem anderen schwören wil/ oder nit. Dann vns
Lydgnossen nichts güts vß iren predigen entstanden ist/
noch furohin erwachsen mag/ dann alles übel. Es sol
auch yederman an allen Orten fürsehüg thun. Vnd zum
höchsten verbieten/ die Lutherischen od newen büchlin/
vnnnd wo man die sicht seyl haben/ oder einen erfart/ diesel-
ben venglich anzünemen/ vnd zustraffen/ als yeder Bort
weist. Actum vff Donstag vor sant Peter vnnnd sant
Pauls tag. Anno ic. im xxvj.

Stattschreyber Zu
Baden in Ergow.

Psalmo 115.

Die warheit des herren beleybt in ewig zeit.

